

CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES E A UNIVERSIDADE DE SANTIAGO PARA A IMPLANTACIÓN DUNHA CENTRAL DE DISTRIBUCIÓN DE ENERXÍA TÉRMICA EN LUGO

REUNIDOS

Dunha parte, D. Román Rodríguez González, actuando en nome e representación da Consellería de Cultura, Educación, Formación Profesional e Universidades da Xunta de Galicia, que en virtude do seu nomeamento a través do Decreto 60/2022, do 15 de maio, polo que se nomean a os titulares das vicepresidencias e consellerías da Xunta de Galicia (DOG número 94, do 16 de maio) actúa de conformidade coas facultades que lle atribúe o artigo 34 da Lei 1/1983, do 22 de febreiro, de normas reguladoras da Xunta e da súa presidencia.

E doutra parte, D. Antonio López Díaz, en calidade de Reitor da Universidade de Santiago de Compostela, actuando en nome e representación da dita Universidade, en virtude do Decreto 35/2022, do 17 de marzo, do seu nomeamento e dos Estatutos da Universidade de Santiago de Compostela, aprobados por Decreto 14/2014, do 30 de xaneiro.

As partes actúan no exercicio dos seus cargos e, na representación que ostentan, recoñécense capacidade para obrigarse nos termos do presente convenio de colaboración, e

EXPOÑEN

Primeiro.– Que o 8 de setembro de 2021 a Consellería de Cultura, Educación, Formación Profesional e Universidades subscribiu un convenio de colaboración coa Axencia Instituto Enerxético de Galicia (INEGA) para o desenvolvemento de proxectos de enerxías renovables cofinanciado con Fondos Feder no Marco do Programa Operativo FEDER Galicia 2014-2020.

O obxecto do citado convenio é establecer as bases de colaboración entre o INEGA e a Consellería de Cultura, Educación, Formación Profesional e Universidades para impulsar o



emprego das enerxías renovables nos centros educativos citados no Anexo I situados en Lalín, Santiago de Compostela, Ourense, Vigo e Lugo, entre os que se cita o proxecto de District Heating de Lugo, na citada cidade, que ten como fin dotar ao IES Lucus Augusti dunha sala de caldeiras, na parcela situada na avenida Rodríguez Mourelo 1, que alimentará de enerxía térmica aos edificios I.E.S. Lucus Augusti, I.E.S. Nosa señora dos Ollos Grandes, Facultade de Formación do Profesorado – C.E.I.P. Anexa, C.I.F.P. Politécnico e residencias Lugo I e Lugo II.

O financiamento destes proxectos realizaranse con fondos comunitarios do programa operativo 2014-2020 nun 80%, sendo asumido o restante 20% con fondos propios da Consellería de Cultura, Educación, Formación Profesional e Universidades.

Este proxecto ten como fin a implantación dunha rede de distribución de calor para abastecemento de calefacción e auga quente sanitaria, utilizando a biomasa como fonte de enerxía primaria para os edificios situados en Lugo citados anteriormente, mellorando a eficiencia enerxética dos mesmos, sendo os obxectivos globais da actuación a redución do consumo de combustibles fósiles (gasóleo, gas natural, propano...) e as emisións asociadas de gases de efecto invernadoiro.

Co fin de incrementar a eficiencia da instalación, aproveitar as economías de escala e promover a concienciación ambiental do alumnado propónse incluír na rede de calor a todos os edificios docentes e residenciais da contorna do I.E.S. Lucus Augusti, citados no segundo parágrafo deste expoñendo primeiro, en particular o edificio Facultade de Formación do Profesorado – C.E.I.P. Anexa, que dispón dunha única sala de caldeiras para subministro de enerxía térmica (calefacción e auga quente sanitaria) a todo o edificio.

Segundo.- Que este proxecto foi redactado por Juan José Seoane Ferreiro, enxeñeiro industrial, que inclúe a construción dunha rede de distribución de calor cunha nova sala de caldeiras que alimentará aos edificios citados no parágrafo anterior, mediante unha rede de conducións soterradas que abastecen de enerxía térmica a cada un dos edificios.



A configuración da instalación será en varias liñas de subministración de calor, un dos ramais alimenta aos edificios Facultade de Formación do Profesorado – C.E.I.P. Anexa e Residencia Lugo I. A mellor solución técnica deste ramal pasa por que a condución discorra polos terreos baldíos da Facultade de Formación do Profesorado.

Terceiro.- Que o edificio Facultade de Formación do Profesorado – C.E.I.P. Anexa está sendo utilizado na actualidade pola Universidade de Santiago de Compostela e a Consellería de Cultura, Educación, Formación Profesional e Universidades, sendo a titularidade actual do edificio da Universidade de Santiago de Compostela.

Cuarto.- Que o obxecto do presente convenio é regular a autorización do paso das conducións soterradas a través dos terreos da Facultade de Formación do Profesorado, así como a execución das obras precisas da central de distribución de enerxía térmica citada.

En todo caso o uso da instalación, unha vez rematada, será de titularidade da Consellería de Cultura, Educación, Formación Profesional e Universidades.

Quinto.- Que a Constitución Española recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, o actual escenario de cambio climático obriga a impulsar medidas relativas á diminución as emisións de gases de efecto invernadoiro e promoción das enerxías renovables nos centros docentes, co obxecto de poder continuar prestando ou prestar os servizos aos cidadáns en condicións de calidade que satisfagan ás súas necesidades, sendo preciso minimizar custos e xestionar de forma compartida as actuacións públicas conforme aos principios xerais de eficacia e eficiencia na asignación de recursos públicos (artigos 7 da Lei orgánica 2/2012, do 27 de abril, de estabilidade orzamentaria e sustentabilidade).

En virtude do exposto e recoñecéndose todas partes na representación que ostentan capacidade suficiente, acordan asinar un convenio de colaboración de acordo coas seguintes

CLÁUSULAS



Primeira.- Obxecto.

O obxecto do presente convenio é establecer as bases para a colaboración en relación á construción dunha nova central de biomasa, dentro do proxecto de District Heating de Lugo, no que afecta ao edificio Facultade de Formación do Profesorado – C.E.I.P. Anexa, así como o seu funcionamento posterior.

A instalación incluírá as conducións soterradas de dúas tubaxes cara á Residencia Lugo I, a acometida de subministración á actual sala de caldeiras da Facultade de Formación do Profesorado, instalación dun intercambiador de placas e un depósito de inercia e o resto de compoñentes, sendo preciso que o titular do predio autorice o paso da instalación das tubaxes soterradas cara á Residencia Lugo I.

Segunda. -Obrigas das partes. Funcionamento da rede de distribución de calor.

1. A **Universidade de Santiago de Compostela** comprométese a permitir que as conducións soterradas de enerxía térmica transcorran a través do seu predio, durante todo o tempo que tales conducións resulten necesarias para a subministración á Residencia Lugo I, segundo os planos incluídos no proxecto redactado por Juan José Seoane Ferreiro e cos límites e nos termos derivados do expoñendo segundo, que a Consellería de Cultura, Educación, Formación Profesional e Universidades coñece e acepta, e a realizar todas as actuacións para a súa conservación e mantemento.

Así mesmo, comprométese a facilitar a realización das actuacións necesarias para a execución do obxecto do presente convenio, en particular o acceso aos operarios que traballen na obra, os datos de consumo dispoñibles, subministración de enerxía que sexa necesaria (auga, electricidade...) e o outras actuacións accesorias que sexan necesarias para executar a obra.

A **Consellería de Cultura, Educación, Formación Profesional e Universidades** asumirá integramente o custe da execución do proxecto citado, en particular as conducións a través do predio do edificio Facultade de Formación do Profesorado – C.E.I.P. Anexa, e a reforma da actual sala de caldeiras do mesmo segundo o proxecto citado.



A Consellería de Cultura, Educación, Formación Profesional e Universidades será a titular da citada rede, que funcionará no período de frío (aproximadamente entre o 15 de outubro e o 15 de maio), segundo a demanda de enerxía térmica dos edificios a esta conectados, especialmente nas horas lectivas. A este fin, os centros participantes na instalación de produción de calor comunicarán á Consellería de Cultura, Educación, Formación Profesional e Universidades as necesidades de calefacción e produción de auga quente sanitaria, para que esta realice a programación do funcionamento da mesma.

2. Unha vez en funcionamento a nova instalación as subestacións receptoras disporán de dispositivos de medida do consumo de enerxía térmica (auga quente sanitaria e calefacción) nos puntos de consumo. A Consellería de Cultura, Educación, Formación Profesional e Universidades asumirá os gastos de compra de combustible (biomasa), consumo de electricidade e mantemento da instalación, que serán asumidos proporcionalmente polos centros de gasto correspondente segundo os consumos de enerxía rexistrados en cada un dos centros receptores. A Universidade de Santiago de Compostela comprométese ao pago da cantidade proporcional dos custes de enerxía térmica e eléctrica consumida.

No caso que a Universidade de Santiago de Compostela non pague os importes económicos correspondentes nun prazo de seis meses desde a súa notificación, a Consellería de Cultura, Educación, Formación Profesional e Universidades poderá suprimir a subministración de enerxía térmica ao edificio, no caso de non existir un motivo xustificado, previa comunicación á Universidade de Santiago.

Así mesmo, unha vez que a instalación estea en funcionamento, no momento en que a Universidade de Santiago de Compostela non desexe seguir recibindo enerxía térmica da central de biomasa o deberá comunicar formalmente, cunha antelación de dous meses, e a Consellería de Cultura, Educación, Formación Profesional e Universidades deixará de realizar esta subministración. Neste caso a Universidade de Santiago de Compostela non deberá pagar cantidade algunha á Consellería polo funcionamento da instalación unha vez que deixe de recibir esta subministración.

Terceira.- Comisión mixta de seguimento.



Para facilitar o seguimento do convenio constituírase unha comisión mixta de seguimento do convenio, sen prexuízo das competencias atribuídas aos órganos competentes das Administracións asinantes, integrada por un representante de cada parte á que poderán asistir outros técnicos en labores de asistencia.

A comisión mixta rexerase polo establecido na Lei 40/2015, do 1 de outubro, de réxime xurídico do sector público, para os órganos colexiados.

As discrepancias que xurdan pola aplicación do presente convenio serán resoltas no seo desta comisión de seguimento, quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.

Cuarta.- Vixencia do convenio e causas de resolución.

1. O presente convenio producirá efectos a partir da súa sinatura e estenderá a súa vixencia ata o remate da colaboración establecida na cláusula segunda.
2. O convenio poderá ser resolto por calquera das partes, con obriga de facelo mediante comunicación escrita e cunha antelación mínima dun mes por algunha das seguintes causas:
 - a) Mutuo acordo.
 - b) Imposibilidade sobrevida, legal ou material, a desenvolver as actividades que constitúen o seu obxecto.
 - c) Vontade unilateral de calquera das partes.
 - d) Por incumprimento do seu clausulado.
 - e) Por declaración xudicial da súa nulidade.
 - f) Polo resto das causas previstas no ordenamento xurídico.



En canto á resolución e aos efectos correspondentes estarase ao establecido na Lei 40/2015, do 1 de outubro, do réxime xurídico do sector público.

Quinta.- Réxime de incumprimentos

Os incumprimentos das obrigas ou compromisos por calquera das partes implicará que teña que asumir os danos e prexuízos causados e, no seu caso, á indemnización correspondente. Tamén poderá implicar a resolución do presente convenio.

Sexta.- Publicidade e rexistro do convenio. Consentimento para a publicidade de datos persoais que figuran no convenio.

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia, e no equivalente da Universidade de Santiago de Compostela, incluíndo os datos identificativos das persoas asinantes.

Así mesmo, a Universidade de Santiago de Compostela acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

Coa sinatura do presente convenio as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal contidos no convenio.

Sétima.- Protección de datos.

As partes asinantes responsabilizaranse de que calquera tratamento de datos persoais que puideran levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/179 (UE) Xeral de Protección de datos (en adiante, RXPD), na Lei Orgánica 3/2018, do 5 de decembro, de



protección de datos persoais e garantía dos dereitos dixitais (en adiante, LOPDGDD) e demais normativa concordante.

Os datos persoais das persoas físicas asinantes do Convenio serán tratados polos asinantes unicamente para a adecuada formalización e desenvolvemento do mesmo e en base ao disposto no artigo 6.1 b) do RXPd.

Oitava.- Relacións electrónicas.

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, (<https://notifica.xunta.gal>). Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

En todo caso, en relación as comunicacións entre as administracións públicas asinantes do presente convenio, de acordo coa súa condición, relacionaranse electronicamente a través do Sistema de Interconexión de Rexistros (SIR), tal e como se preceptúa no artigo 16.4 da Lei 39/2015, do 1 de outubro do procedemento administrativo común das administracións públicas, no artigo 3.2 da Lei 40/2015, do 1 de outubro, de réxime xurídico do sector público e nos artigos 56 e 60 do Real decreto 203/2021, do 30 marzo, polo que se aproba o Regulamento de actuación e funcionamento do sector público por medios electrónicos.

Non obstante do anterior, de non poder empregarse o SIR, as diferentes comunicacións entre ambas as dúas administracións efectuaranse a través dos medios de notificación habilitados en



cada unha delas.

Novena.- Natureza xurídica.

O presente convenio atópase excluído do ámbito de aplicación da Lei 9/2017, do 8 de novembro, de Contratos do Sector Público, en virtude do disposto no seu artigo 6.

Sempre que resulte compatible co establecido no presente convenio, será de aplicación o réxime xurídico establecido para a xestión patrimonial na Lei 5/2011, do 30 de setembro, do patrimonio da Comunidade Autónoma de Galicia.

En proba de conformidade co expresado no convenio, asínase polas partes comparecentes, na data da súa sinatura dixital

Pola Consellería de Cultura, Educación, Formación Profesional e Universidades

O conselleiro

Román Rodríguez González

Pola Universidade de Santiago de Compostela

O Reitor

Antonio López Díaz

